



Mali i Zi / Crna Gora
Komuna e Tuzit / Opština Tuzi

Kryetari i Komunës
Predsjednik Opštine
Nr./Br. 01-614/23- 2823/5

Rruga Tuz nr. 1 , nr. 44
Ulica Tuzi br.1 , br. 44

+382 20 875 167

kryetari@tuzi.org.me

Tuz – Tuzi, 24.04.2023. godine



Bazuar në nenin 11 të Vendimit mbi financimin e sportit (“Fleta Zyrtare e Malit të Zi – Dispozitat komunale”, numër 032/19/21), si dhe neni 7 paragrafi 5 i Rregullores së Komisionit, si dhe në lidhje me Konkursin Publik për bashkëfinancimin e programit të punës së organizatave sportive për vitin 2023, me numër 04-614/23-958/1 prej më 07.02.2023, Komisioni për vlerësimin e programeve dhe përcaktimin e masës së mjeteve për organizatat sportive, në seancën e mbajtur me dt. 20.04.2023, solli

Propozim Vendimi për bashkëfinancimin e programit të punës së organizatave sportive

I

Komisioni për vlerësimin e programeve dhe përcaktimin e shumës së mjeteve për organizatat sportive propozoi që mjetet për bashkëfinancimin e programeve të punës për organizatat sportive të ndahen si më poshtë:

N.r.	Emri i organizatës sportive	Selia e organizatës sportive	Shuma e mjeteve për bashkëfinancim
1.	Klubi Teakwondo “Besa”	Tuz	14.500,00
2.	Klubi i Futbollit “Malësia 2010”	Tuz	9.000,00
3.	Klubi i Futbollit “Tuz”	Tuz	3.800,00
4.	Klubi Teakwondo “Alba”	Tuz	3.500,00
5.	Klubi i Kërcimit “Tip toe”	Tuz	2.700,00
6.	Klubi i Xhudos “Deçiq”	Tuz	2.500,00
	Totali		36.000,00

Arsyetim

Neni 11 i Vendimit mbi financimin e sportit (“Fleta Zyrtare e Malit të Zi – Dispozitat komunale”, numër 032/19) përcakton se Komisioni, pas vlerësimit të programit dhe përcaktimit të shumës së mjeteve për organizatat sportive, ia dorëzon Kryetarit të komunës Propozim Vendimin e arsyetuar për bashkëfinancim të programeve të organizatave sportive. Në paragrafin 2 të të njëjtit nen parashikohet që Propozim Vendimi për bashkëfinancim duhet të përmbajë: emrin e organizatës sportive, selinë e organizatës sportive, dhe shumën e mjeteve për bashkëfinancim.

Neni 7 paragrafi 5 i Rregullores së Punës së Komisionit Nr.04-614/23-1255/2 prej më 15.03.2023 parasheh që Komisioni pas vlerësimit të programit të punës së klubeve sportive t'i paraqesë kryetarit të komunës propozim të arsyetuar për bashkëfinancimin e programit të punës së organizatave sportive.

Sekretariati për Vetëqeverisje Lokale i Komunës së Tuzit ka shpallur Konkurs Publik për bashkëfinancim të programit të punës së organizatave sportive për vitin 2023 nr. 04-614/23-958/1 prej më 07.02.2023 dhe e publikoi përmes mediave të shkruara, në ueb faqen e Komunës së Tuzit www.tuzi.org.me si dhe në tabelën e shpalljeve të Komunës së Tuzit.

Në bazë të nenit 10 të Vendimit mbi Bashkëfinancimin e Sportit ("Fleta Zyrtare e Malit të Zi – Dispozitat komunale", nr. 032/19/21), Kryetari i Komunës themeloi Komisionin për Vlerësimin e Programeve dhe përcaktimin e shumës së mjeteve për organizatat sportive me detyrë kontrollimin e dokumentacionit të pranuar dhe, në përputhje me dispozitat e Vendimit për financimin e sportit të Komunës së Tuzit dhe Rregullores për kushtet, mënyrën, procedurën, kriteret për ndarjen e mjeteve dhe kontrollin mbi zbatimin e programit për organizatat sportive, përcakton Ranglistën e organizatave sportive që plotësojnë ose nuk i plotësojnë kushtet për financim, përgatit Propozim Vendimin për bashkëfinancimin e programit të organizatave sportive dhe ia paraqet kryetarit të komunës.

Në bazë të nenit 7 paragrafi 1 të Rregullores së Punës së Komisionit, Komisioni për vlerësimin e programeve dhe përcaktimin e shumës së mjeteve për organizatat sportive ka përcaktuar Ranglistën e klubeve sportive që plotësojnë kushtet e parapara me konkursin publik për vitin 2023.

Vlerësimi i dokumentacionit të pranuar është bërë në bazë të kriterëve të përcaktuara me Rregulloren për kushtet e detajuara, mënyrën, procedurën, kriteret për ndarjen e mjeteve dhe kontrollin e zbatimit të programit për organizatat sportive numër 04-614/23-958, prej më 07.02.2023, dhe në bazë të formularit që kanë paraqitur organizatat sportive për të cilat mbajnë përgjegjësi penale dhe materiale për saktësinë e të dhënave të parashtruara. Komisioni filloi me vlerësimin e dokumentacionit të marrë, i cili u vlerësua në bazë të kriterëve të përcaktuara me Rregullore dhe u konstatua se klubet sportive fituan këto rezultate:

1. Klubi Teakwondo "Besa" Tuz – 3.211 pikë
2. Klubi Teakwondo "Alba" Tuz – 967,5 pikë
3. Klubi i Futbollit "Malësia 2010" Tuz – 101,25 pikë
4. Klubi i Futbollit "Tuz" Tuz – 51 pikë
5. Klubi i Xhudos "Deçiq" Tuz – 313,5 pikë
6. Klubi i Kërcimit "Tip toe" Tuz – 373,75 pikë.

Komisioni për ndarjen e mjeteve për klubet sportive i shqyrtoi aplikimet e dorëzuara për konkursin në fjalë dhe duke zbatuar kriteret e përcaktuara me Rregullore e bëri këtë propozim, me të cilin i propozoi Kryetarit të Komunës që të marrë Vendim për ndarjen e mjeteve klubeve sportive nga dispozitat e këtij Propozimi. Klubet sportive janë të detyruara që mjetet e paguara nga buxheti i Komunës së Tuzit t'i përdorin ekskluzivisht për qëllime të miratuara. Klubi sportiv që keqpërdor mjetet për bashkëfinancimin e programit të punës është i obliguar që me kërkesë të Komunës së Tuzit t'ia kthejë shumën totale të mjeteve të paguara.

E DREJTA LIGJORE: Pjesëmarrësi i konkursit ka të drejtë t'i paraqesë Komisionit një Kundërshtim të arsyetuar për Propozim Vendimin brenda 8 ditëve nga data e publikimit të tij.

Nga sa u tha më lartë u vendos si në dispozitiv

KRYETARJA E KOMISIONIT,

Marina Ujkaj

